

qualis etiam in omni creati entis conceptu necessariò includitur (eo quòd similitudinem saltem aliquam cum Creatore habeat) mente abstrahimus & communi nomine efferimus.

16. Atque hi communes conceptus in Dei & Creaturæ rerumque adeo omnium similitudine fundati displicere Deo neutiquam possunt, quippe cui placuit similitudo ista. Ne dicam nunc, quòd ipse ille quotiescunque cum hominibus loquitur non nisi linguâ hominum loquatur, etiam ea secundùm quæ cum Creaturis non convenit more nostro enunciando.

EXERCITATIO LXV.

Demonstrata Dei & Creaturæ similitudine & communi utriusque conceptu & nominibus, non tamen illico demonstratum esse, abstractam à Deo & Creatura scientiam universalem esse tradendam.

1. **H** Actenus dicta eò faciunt, ut rerum omnium similitudo & convenientia quædam agnoscat: at si quis putet me existimare, illis ipsis satis esse probatum, tradendam esse Ontosophiam seu universalem, de iis quæ Deo
Crea-